



53269

kal.komp.

I

Mag. St. Dr.

P

*depectu Historiar: Quæstio philosophica  
de scientia*



430.

Biblioteka Jagiellońska



stdr0000394



QVÆSTIO  
PHILOSOPHICA

*De*

SCIENTIA

Publicæ Disputationi

In Alma Academia Cracouiensi

*Permissu*

MAGNIFICI D. RECTORIS

*A*

*M. FLORIANO LEPIECKI*

*Collegij Minoris Professore*

PROPOSITA.

*Anno Domini 1649, Die 19. Nouembris.*

C R A C O V I Æ,

*In Officina Typographica Martini Filipowski.*





# Q V Æ S T I O.

**V**trum Præter alios habitus intellectuales evidentes & invidentes detur habitus Scientiæ per demonstrationem acquisitus, illeq; tam Subalternans quam Subalternatus, unitatem vel diuersitatem per Obiecta in esse scibilis considerata accipiens, sitq; vnius simplicis qualitatis in ordine ad omnes suas Conclusiones, necne?

53269





# CONCLUSIO I.

**P**Ræter alios habitus intellectuales evidentes & inevidentes datur Scientia.

## C O R O L L A R I A.

- I. Sapientia, Intellectus, Scientia: item Prudentia & Ars ordinant intellectum solum circa verum Speculativum aut Practicum. Opinio verò, Fides humana, Suspicio, habent se ad verum & falsum.*
- II. Primi tres habitus important rectitudinem cognitionis circa necessaria; Scientia quidem circa Conclusiones, Intellectus circa principia, Sapientia circa causas altissimas: Posteriores duo circa contingentia; Prudentia quidem dirigit agibilia, ars factibilia.*
- III. Tam Opinio, quàm Fides, et Suspicio, sunt assensus alicuius rei, vel ob medium probabile, vel ob auctoritatem dicentis, vel propter leue aliquod signum; sed cum essentiali obscuritatis & incertitudinis formidine sibi annexa.*
- IV. Intellectus non est ipsa potentia intellectiva, sed est habitus illi superadditus, partim naturalis, partim acquisitus, in specie infima pro omnibus scientiis speculativis tam univ ersalibus quàm particularibus sufficiens.*



**V.** *Scientia & Opinio, siue pro actibus siue pro habitibus accepta, intrinsecè repugnant de eadem re simul esse in eodem intellectu.*

## CONCLUSIO II.

*Scientia est habitus per Demonstrationem acquisitus.*

### C O R O L L A R I A.

**I.** *Non mediocriter errauit Plato asserens: Scientias à principio animæ humane esse infusas, nihilq; de nouo sciri, sed nostrum scire solum esse quoddam reminisci.*

**III.** *Porro actuale scientiam r. Poster: cap: 2 probè definiuit Aristoteles, dum inquit: Scire est cognoscere causam, ob quam res est, illius causam esse, & fieri non posse, ut aliter se res habeat.*

**III.** *Quemadmodum Demonstrationem, Propter Quid, & Quia, conuenire vniuocè ex parte certitudinis & euidentiæ in ratione Demonstrationis asserimus: ita etiam vtramq; hanc Demonstrationem simpliciter causare veram & perfectam scientiam tenemus.*

**IV.** *Non negamus tamen, Demonstrationem Quia ex parte obiecti, cuius An est non Quod quid est attingit, imperfectè attingere rationem Scientiæ.*

**V.** *Quæ*



V. *Que tamen Demonstratio sic considerata potest reduci ad eandem speciem scientiæ Propter quid, non absolute quidem, sed dispositivè.*

## CONCLUSIO III.

**I**Nter scientias aliquæ sunt Subalternantes, aliquæ Subalternatæ.

### C O R O L L A R I A.

*I. Vera & propriissima scientiarum subalternatio non est ratione finis, vel principiorum tantum, sed est ratione subiecti, dum scilicet inferior scientia addit differentiam accidentalem, non essentialem, nec propriam passionem.*

*II. Hæc tamen addita differentia non quæcunq; sed talis esse debet, ut ex coniunctione ad obiectum superioris scientiæ habeat speciales passiones in sui manifestatione à principiis subiecti superioris scientiæ dependentes.*

*III. Licet subalternata scientia habeat pro subiecto aliquid contractum differentiâ accidentali, non tamen habet pro Obiecto Ens per accidens, sed unum per se.*

*IV. Scientia subalternata est verè & essentialiter scientia, idemq; habitus specificus, tam in eo qui habet, quam qui non habet subalternantem.*

*V. In*



*V. In absentia tamen subalternantis habebit statum imperfectum scientiæ ex parte subiecti subalternata, quamdiu de facto non coniungatur subalternanti.*

## CONCLUSIO IV.

**V**nitatem vel diuersitatem per Obiecta in esse scibilis considerata accipiunt Scientiæ.

### C O R O L L A R I A

*I. Ab Entitate Obiecti materiali, specifica aut generica distinctio aut unitas scientiæ nullâ ratione haberi potest.*

*II. Neq; ex sola unitate subiecti principalis, quatenus veritates partiales ab illo dependent, ad illudq; ordinantur, unitas vel distinctio scientiæ est petenda.*

*III. Unitas vel diuersitas scientiarum generica à triplici illa scilicet à materia singulari, sensibili, & intelligibili abstractione sumi debet.*

*IV. Unitas verò vel distinctio specifica principiorum formalium intra idem genus scibilis seu intra eandem abstractionem receptorum unitatem vel diuersitatem in specie atoma scientiarum constituunt.*

*V. In scientiis tamen mediis inter Mathematicas & Naturales*



*titates: v. g. Musica, Perspectiua, Astrologia &c. vnitatis  
aut distinctio specifica sumenda est ex principiis, que sunt pri-  
ma intra abstractionem propriam ipsorum principiorum.*

## CONCLUSIO V.

**S**cientia totalis est vna simplex qualitas in ordine  
ad omnes Conclusiones talis scientiæ.

### C O R O L L A R I A.

- I. Actus seu demonstrationes ab habitu scientiæ ordina-  
tè procedentes, licet res diuersas specie in esse rei attingant,  
vnam tantum entitate, non ordinatione scientiam constituunt.*
- II. Nec quidquam prohibet, scientiam esse simplicem ha-  
bitum, etsi tendat sub diuersis motibus siue mediis ad diuersas  
veritates & Conclusiones demonstrandas.*
- III. Certum quoq; est, secundam vel tertiam Demonstra-  
tionem non producere nouum habitum scientiæ entitatiuè, sed  
tantum præexistentem reddere perfectiorem.*
- IV. Perfectio hæc non fit per additionem intrinsecam for-  
mæ ad formam, sed per extrinsecam, id est per nouam applica-  
tionem formæ ad materiam sibi subiectam.*
- V. Inde quoq; fit, quod generato habitu erroneo circa se-  
cundam vel tertiam Conclusionem, non destruitur habitus sci-  
entiæ absolutè, sed respectiue, quatenus proximè & in actu in-  
clinabat ad illas Conclusiones.*



Sub Felicibus Auspiciis

*Magnifici & Admodum Rñdi Domini*

**D. STANISLAI ROZYCKI**

**L. V. Doctoris & Professoris, Ecclesiæ Collegiatæ  
SS. Omnium Crac: Cancellarij,**

**Almæ Vniuersitatis Cracouiensis**

**R E C T O R I S V I G I L A N -  
T I S S I M I**









